

دارالفنون

ادبیات فارسی و عربی و منطق و منطق و منطق

فلسفہ ، اجتماعیات ، تاریخ ، جغرافیہ ، ادبیات

ایک آبدہ بر نشر اول نور

مندرجات :

- عثمانی دارالفنون [محمد علی عینی]
 مساعی لسانیہ [جناب شہاب الدین]
 لسان نظمہ اشکال و افکار [علی اکرم]
 آخہ منیدلر تاریخہ عائد تدقیقات [لہمان ہاوپت]
 لسان و یازی [غ . برگشتہ سہر]
 مصرودہ یازلمش تورکنجہ کتاب [نجیب عاصم]
 « غوتہ » یہ دائر [عشاقی زادہ : خالد ضیا]

ترجمہ فہمی

- فلسفہ بر علمیدر ؟ [احمد نعیم]
 صناعتک بر تعریفی [وحید]
 کتابیات تحلیللری

استانبول — مطبعہ عامرہ

۱۳۳۲ — ۱۳۳۴



کتابیات تحلیلی

مجموعه مزك بو عنوان آلتنده آچق ایسته دیکمز بر قسم مخصوصنده موقع انتشاره چیه مقده اولان کتابلر ایله مختلف رساله لرده کوره جکمز مهم مقاله لر حقنده قارٹلریمزه معلومات ویره جکمز ، آنجق بومعلومات علی العاده اعلاندن عبارت اولمایه جق ، اثرلرک قیمت علمیه سی ده تدقیق ایدیه جکدر .

اولا شونی سویله یه لم که بر زماندنبری معارف نظارتی بژده هنوز پک بوش اولان کتبخانه علمیزی آزوت ایچنده طولدورمغه پک فعالانه چالشیور . بر فعالیت شمديک خاصه مکتب کتابلرک ا کماله معطوف بولنیور . زیرا اولدن بر مکتب آچیلیر ، پروگرام یاپیلیر ، فقط اوقونه جق درسلرک کتابلری دوشونلزدی . بوجهته طلبه نك استفاده سی پک محدود قالیردی . فقط شمدي مکتبلرک کتاب احتیاجی همان تسویه ایدمک اوزره در . والحاصل نظارت بودار زمانده کاغد تدارکنده کی مشکلات عظیمه اورتاسنده همان هر آی موقع استفاده یه مهم بر اثر قویور .

یالکمز شوکا تجب ایدیورزکه مطبوعاتک الک مهم وظیفه لرندن بری ده مملکتک حیات علمیه سنه تعلق ایدن مسائل اولدیغی حالده بومساعی حقنده عادتاً کف لسان اولنیور . زیرا نظارتک یالکمز کتاب چیقارمه سی کفایت ایتمز . بونلرک اهالی آره سنده رغبت کسب ایدوب اوقونما سنه غزته لریمز ایستلرسه پک بویوک خدمت ایده بیلیلر . کتابچیلره صورارسه کز حیا سزجه یازلمش مردار کتابلر پک زیاده سورولدیکی حالده علمی کتابلر جامکانلر ایچنده اسکیبوب طور ییورمش . بو حال علم ایچون ، اخلاق ملیه ایچون بر فلا کتدر . بونی اصلاح ایده جک همماک بویوک بر حصه سی ینه مطبوعاته راجعدر . والحاصل مجموعه من ایکی آیده بر نشر ایدیه جکی ایچون کتابلر حقنده کی نشر یا تمزدن ایدیه جک استفاده بالنسبه محدود بر دائره یه منحصر قالا جفندن بو خدمتی ینه مطبوعاتمزک ارکان تحریریه سندن بکلرز .

فلسفیه عامه کتابلر

فلسفه علمیه = [مکاتب سلطانیه نك اون ایکنجی سنه لرینه مخصوص ؛ طبعی : استانبول]

مطبعة عامره ۱۳۳۱ = ۳۹۲ صحیفه دن عبارت = فیاتی • غروش]

معارف نظارتک تأسیس ایتدیکی علمی کتبخانه نك برنجی نومروسنی بو کتاب تشکیل ایدیور . اثرک مؤلفی آلکسی برترانه در . لسانمزه ترجمه ایدن دارالفنون مدیر عمومینی صالح ذکی بکدر . صالح ذکی بک بو کتابی ترجمه یه باشلا دیغی وقت بعضیلری مشارالیه ک

فلسفه به نه مناسبتی وار ديه دوشونمشر . بونی او وقت طویمش ، تعجب ایتمشدک . عجبا ریاضیاتی حتی ای بیلمه یین برکسه نک فلسفه به وقوف کسب ایتمه سنه امکان وارمیدر ؟ حکمانک اکثریسی بویوک ریاضیوندندر ، حتی برچوق قواعد کلیه ریاضیه اونلرک ثمره کشفیاتیدر . بوجهته شو کتاب پک صلاحیتدار برقلم طرفندن ترجمه ایدلمش دیمکدر . نه حاجت ، کتابه بردفعه کوز کزدیرنجه صالح ذکی بکک متنه علاوه ایتدیکی حاشیهلر بونی مکملأ اثباته کافیدر . بو کتابک برنجی قسمی علم و اصوله عائددر . علم مسئله سی فلسفه نک اک مهم و اساسلی مسئله سیدر . بو کتابده بوبخته عائد مسائل مهمه پک دقیق بر صورتده شرح ایدلدیکی کبی ، علمک اک معروف تصنیفلری کوسترلمش و فلسفه نک سلسله علومده کی موقعی تعیین ایدلمشدر . هر علمده مطلوب اولان غایه ، که او علمک موضوعنه متعلق حقیقتدر ، او حقیقته اک امین و کسیدر مه بر یولدن کیتمک ایچون اولا بویولی تعیین ایتمک لازمدر . ایشته اصول ویا (مه تود) بویولدن عبارتدر . اولا بالطبع علملرک هپسی ایچون عمومی بر یول واردر که بیلدیکنز منطق بوندن عبارتدر . زیرا قوانین تفکر لایتغیردر . فقط هر علمک موضوعی دکشدیکندن بو عمومی یولک برده هر علمک موضوعنه کوره آیریلدیغی متعدد ایکنجی یوللری واردر . بوجهته کتابک اصولدن بحث ایدن قسمی اولا بو عمومی یولک قواعدینی ، ثانیاً برنجی قسمده تصنیف ایدلمش اولان علمک اقسامنه کوره هر برینک تعقیب ایتسی ایجاب ایدن یوللری مکملأ تعریف و تفصیل ایتکده در . مکاتب سلطانیه نک صوک صنفلری ایچون ترجمه ایدلمش اولان بو کتاب طلبه به لایقیه تدریس اولنورسه تحصیل عالیده کی موفقیتلری اولدن تأمین ایدلمش اولور .

*
* *

علم تریبه اطفال - [دارالمعلمین ابتدائیلره مخصوص ، طبیی : استانبول - مطبعة عامره
۱۳۳۴ = ۵۴۷ صحیفه دن عبارت = فیاتی ۱۲ غروش]

تألیف و ترجمه کتبخانه سنک اون ایکنجی صایپسینی بو کتاب تشکیل ایدیور . اثرک مؤلفلری
فاره ولیکیم ، مترجمی تألیف و ترجمه دائره سی میزی نجم الدین صادقه بکدر . بو کتاب
ابتدائی دارالمعلمینلری ایچون ترجمه ایدلمشدر . بشیوز کسور صحیفه دن متشکل اولان
بو پک مهم اثر تریبه نک اک مهم مسائلنی علم النفسک موقع ثبوته چیقارمش اولدیغی حقایق